

Fondazione Diabete To
Museo del Diabete
Libri Antichi

15

Dis DISPUTATIO INAUGURALIS
DE
APPETENTIA
CANINA.

QVAM

Sub præsidio divino,

Ex

*Decreto & Autoritate
Magnifici, Nobilissimi Excellentissimiq;
Collegii Medici,
Quod in inclyta ac celeberrima Raura-
corum Academia est,*

Pro consequenda dignitate, honore &
privilegiis Doctoralibus

Censura publicæ subjicit

MARTINVS HESS Friccenu-
fanus Wirtembergicus.

Ad diem 22. DECEMB. Anni MDCXVIII.



BASILEÆ,
Typis JOH. JACOBI GENATHII, Acad. Typogr.

NOBILISSIMIS, CON-
SULTISSIMIS, PRUDENTIS-
simis & Amplissimis Viris ac
Dominis,

DOMINO PRAETORI
AC SENATUI

Antiquissimæ ac Celeberrimæ Civitatis
Imperialis

LANDAVIENSIS,

Patronis ac Fautoribus suis summâ ob-
servantiâ colendissimis,


*Hasce Inauguralis Disputationis
Theses*

in
Felicis novi Anni auspicii congra-
tulationem

Humiliter ac submissè

Offert ac dedicat

MARTINVS HESS,
expositulatus Physicus
Landaviensis.



ΣΥΝΘΕΩ.

DISPUTATIONIS
INAUGURALIS
THESIS

I.

MAGNO munere naturæ, omnibus vegetante animâ præditi, datum esse, ut ad conservationem propriæ substantiæ, convenientia ac familiaria attrahant; contraria verò & inimica, cæco quasi instinctu naturæ depellant ac aversentur, præter Philosophorum, juxta & Medicorum consensum, experientiæ testimonium satis superq; demonstrat.

II.

Cùm autē non rarò viris, ac pueris, frequentius verò mulieribus accidat, ut ea, à quibus alioqui secundum naturam habentes, maximè abhorrere solent, singulari desiderio appetant, ac interdum crudas carnes, carbones, cementum & reliqua naturæ molesta (quorum tamen exempla, quia ubique obvia, recensere supersedebimus) devorent ac avidè deglutiant, operæ me pretium facturum putavi, si istius affectus causam ac curam, quantum quidem brevitatis temporis concedit, pervestigarem.

III.

Invenimus autē, ut à nomine auspicemur, qui hunc affectum malaciam dictam volunt, quod Cælius Rhodius. *lib. 3. antiq. lect.* mollitiem interpretatur, eò quia

mulieres, quæ natura molles sunt, hoc malo sæpè cor-
ripiantur. Alii κίτταν seu picam & picationem, eodem
Cælio attestante, appellant, quòd in stomacho multo-
rum facta sit redundantia, ex qua absurdorū sese pro-
mit appetentia, indidemq; quoq; nomen nata est af-
fectio, Ἀφ' τῶ πικιλλοῦ & ζῶου τ' κίττης, i.e. ex avis varietate,
vel quòd malo id genus corripiatur frequentius.

I V.

Alii κυνὸς ὄρεξις, i.e. Appetentiam caninam vocāt,
quia hoc malo correpti, ad-instar canum nimum ap-
petunt, rursusque devorata evomunt.

V.

Sed nos de nominibus, quæ imponentium arbitrio
relinquuntur, haud litigabimus, quemadmodum Ga-
lenus etiā infinitis in locis scrupulosam nominum cu-
riositatem ceu vanam ac inutilem prohibet ac rejicit,
cuilibet liberum sit, ut vel picam vel malaciam vel ap-
petentiam caninam nominet.

V I.

Sufficiat nobis in eo omnes convenire, quòd sit vi-
tium appetitus, seu depravatus appetitus, in quantitate
modum excedens.

V I I.

Ad quam verò speciem Appetitus, cū unus sit Na-
turalis, alius Animalis, referenda sit hæc affectio, non
æquè inter omnes constat.

I I X.

Sunt enim permulti, qui ad tam absurdorum inge-
stionem stupent, æstimantes, illa in Ventriculo conco-

quē

qui ac in nutrimentum verti, ac proinde ad naturalem referri debere putant.

I X.

Quos amplius confirmat, quòd sæpè in prægñantibus in utero gestatorum commaculari cutem vident.

X.

Sed nos facilè ex his tricis nos absolvere poterimus, si utriusque Appetentiæ sedem inspiciamus. Naturalis enim per totum corpus sparsus est, quia omnes partes nutriri ac vivere volūt, qui finis est naturalis appetitus: Animalis verò in ventriculo residens ac indigentiæ sensum percipiens (in cuius rei gratiam duo insignes nervi à cerebri conjugatione nervorum sexta, in utrumq; ipsius os implantati sunt) facultatem animalem impellit, ut ad acquirendum cibum & potum procuret.

X I.

Cùm itaque canina Appetentia affectus sit ipsius oris ventriculi, (quemadmodū præter ejus symptomata, quæ illud abundè docent, etiam Galenus confirmat, *lib. 1. de causis sympt. c. 7.* dum inquit, Os ventriculi inducit & dyspnœas & apnœas, & demorsus & epilepsias, & deliria & Melancholias, atq; hæc omnia societatis ratione. Inappetentias verò & diminutas vitiosasque appetentias per se ipsum.) quis non ad Animalem referendam censeret?

X I I.

Interim tamen nō negamus, quòd naturalem etiam possit trahere in consensum, cū, ut Galenus præallegato loco inquit, nullum membrum aut ita exactum sensum habet, aut ita utrumque principium unà secum afficit sicut os ventriculi.

XIII.

Nec enim solum naturalis facultatis vim appetitivam, sed interdum etiam *πλαστικὴ* pervertit, quemadmodum videmus in prægnantibus accidere, ubi animalis facultas, frustrationem expetitæ rei molestè ferens, ad naturalē defert, quæ, quia tùm formãdo foetui maximè est intenta, oblatam speciem foetui imprimit.

XIV.

Quemadmodū enim in usu Venereo cogitatio transvolans similitudinem effingere existimatur, ita in appetentia canina, cogitationum velocitas, frustrà desideratæ rei notam foetui imprimere creditur, materiã præsertim ob teneritudinem ac mollitiem ad omnem fingentis modum sequaci existente.

XV.

Ex quibus facilè hujus affectus definitionem colligere licet, quòd nimirum sit dolor stomachi, ex membranarum illius intemperie, vel acri humore, membranis impacto, coortus, animale faculatem ad indefinenter appetendum irritans, naturalemque per consensum perturbans.

XVI.

Ex hac definitione emergunt ipsius causæ, materialis, formalis, efficientes propinquæ seu continentes.

XVII.

Formalis est continua ac indefinens ingerendi cibi necessitas, hac enim distinguitur à *βελίμω*, qui itidē vehemens fames est, sed cito solubilis, quemadmodum Fuchf. *lib. 3. c. 8. de morbis medendis* declarat.

XIX. Cau-

X I I X.

Causa materialis & proximè efficiens seu continens est frigida membranarum stomachi intemperies, vel vitiosus succus, qui frigidus est, similem suctui mörsum inferens, appetentiamque proritans, naturalis affectus similitudine.

X I X.

Has causas aliæ præcedere solent, quarum aliæ internæ *παραγμένα* à Philosophis dictæ, aliæ externæ *παρατερήματα* appellatæ.

X X.

Internæ sunt: Acrium humorū à cerebro ad os ventriculi defluxio, cū illud vel per se imbecillum est, vel aliis causis, quas inter procatarcticas numerant, ad intemperiem frigidam perductum est.

X X I.

Affidua item excrementorum alvi dejectio, à retentricis facultatis intestinorum dissolutione, aut humoris pravi stimulatione oborta.

X X I I.

Menstruorum retentio, quæ fieri solet vel ob osculorum vasorum conniventiam, aut adnatas carnes, aut ob conceptum in utero foetum, hinc in prægnantibus hic affectus ad quartum mensem suam crisin assequitur, foetu scilicet jam virium robore ad conficiendum sanguinem menstruum adepto.

X X I I I.

Quamvis quibusdam ad partus exclusionem durare non negemus, præsertim iis, quæ ad pravorum humorum

rum generationem procliviores, aut voluptariæ vitæ deditæ sunt.

XXIV.

Interdum etiam à viscere aliquo, ut Liene vel Epate, humor acris ad stomachum regurgitat, aut à toto corpore depravati humores confluunt, si illud vitiosis humoribus abundet, ac os stomachi imbecillius factum sit, & cutis ex frigiditate stipata, quemadmodum Galenus *lib. 3. de fac. nat.* inquit, Non est à ratione alienum, quòd fieri nequeat, si pars ea, quæ ad cutim est, insolito interim frigore stipata, ubi & imbecillior est reddita, & quem prius citra offensam insparsum habuit humorem, ut onus potius, quàm præparatum aliquid ad nutritionem sustinet, eoque pellere à se studet, simul autem via, quæ foràs fert, densitate est interclusa, ad eam, quæ intro fert, convertitur. Itaque quod offendit, in vicinam sibi particulam violenter coactum amolitur, atque illa rursus in eam, quæ sibi proxima est, neque id fieri desistit, quoad translatio ad interna ora venarum finiatur.

XXV.

Aliquando etiam oritur hic affectus ob decubitus humorum ad partes exteriores, si nimirum illæ nimio calore accensæ, cutisque præter modum rarefacta fuerit, tunc enim venæ humores à partibus internis emulgent, hæque exinanitæ os ventriculi lancinant, ac ad suctum impellunt.

XXVI.

Quòd verò hoc malo affecti terram, carbones & reliqua ad istam obscœnitatem appetūt, facit humorum in ventriculo cõtentorum similitudo, quæ itidem fœda ac prava est: quemadmodum Fernelius inquit *3. lib. sexti*

sexii de part. morb. ac sympt. Fit autem (intellige malaciam) quoties oris ventriculi tunicae vitioso quodam humore vel excremento oblitae sunt, cujus longa consuetudine similia etiam vitiosa expetuntur.

XXVII.

Quanquam idem Fernelius, ubi ingens ac omnino morbosum vitium est, etiam contrariorum appetitum urgere velit, loco praallegato.

XXIX.

Et haec satis de internis, videamus nunc etiam externas, quae sunt primo Constitutio aeris frigida, vel ventus frigidi, quales sunt aquilonares, ventriculum refrigerantes, & constringentes, vel cutis meatus constripantes.

XXIX.

Interdum etiam aeris constitutio praedictae contraria, nempe calida in causa esse potest, rarefaciens scilicet cutim, carnemque accendens, ut vicinos humores attrahat, tandemque ventriculum exinaniat: quemadmodum Thesi 25. dictum fuit.

XXX.

Cibi ex rebus crudis & acidis parati, ut sunt fructus immaturi, panis nimium fermentatus, & plura alia, quae facile in acorem vertuntur.

XXXI.

Potus aquae frigidae, quales sunt fontium septentrionis spectantium, aut super res minerales decurrentium, tum balnea ex iisdem facta, cutem constringunt, pravaeque humores intro repellunt.

XXXII.

Somnus intempestivus, cujusmodi est meridianus, & qui captum cibum insequitur, talis enim caput pravis humoribus aggravat, qui deinde rursus decidunt, membranasque stomachi infarciunt.

XXXIII.

Ocium nimium, exercitiorumque consuetorum intermissio, hoc enim modo calor torpescit atque extinguitur.

XXXIV.

Et hæc de causis dicta sufficiant, nunc paucis etiam de signis, quæ nobis affectus cognitionem planiorem faciunt, viamque curationis monstrant.

XXXV.

Alia verò signa cum causis sunt conjuncta, morbumque ex necessitate sequuntur, ac dicuntur *παθολογικὰ*. Alia nō quidem cum causis sunt conjuncta, sed morbum plerunque sequuntur, ejusque differentiam, morem, ac magnitudinem indicant, dicunturque *συμπεριστατικά*.

XXXVI.

Παθολογικὰ sunt; membranarum frigiditas, adstrictio, suctus, frigus intemperiem, adstrictio qualitatem humoris, suctus non intermittens facultatis animalis depravationem significat.

XXXVII.

Συμπεριστατικά sunt, quæ nobis vel morem, ut rugitus ac murmur ventris; vel magnitudinem, ut vomitus frequens, corporis gracilitas & virium lapsus; vel differentiam, ut excrementorum alvi dejectio crebrior, vel segnior,

segnior, quarum hæc humorum ad exteriores partes decubitus, illa retentricis facultatis exolutionem indicat, cutis raritas ac densitas, hæc humores intrò ferri, illa ad extrà delabi monstrat.

XXXIX.

Ex his itaq; facile curandi methodum invenire possumus, quæ consistit partim in *πεφυλάξει*, partim in *θεραπεία*.

XXXIX.

In *πεφυλάξει* in primis studendum, ut Aër sit purus, mediocriter calidus, si non naturâ talis existat, arte parandus erit, pura scilicet flamma vel aromatibus ac rebus odoriferis accensis.

XL.

Cibus sit euchymus & succi laudabilis, minimè acidus seu austerus, fugiendi fructus præsertim immaturi, panis non nimis fermentetur nec recens esto, cui etiã commodè commiscentur quæ urinam movent, cujusmodi est anisum, careum, cuminum, petroselinum, fœniculum & ejus generis reliqua.

XLI.

Potus sit Vini veteris, clari, fulvi, cui etiam ex calefactis aliqua injicere licet, ut absinthium, mentam, origanum, pulegium, hyssopum, satureiam & similia.

XLII.

Somnus sit nocturnus & mediocris, quemadmodum exercitia etiam modum observent, taliter siquidem calor conservatur, ac per somnum intrò means viscosos & acidos humores dispellet.

XLIII.

Veneris usus sit exiguus aut omninò nullus, ne calor naturalis dissipetur, aut virium robur exsolvatur.

XLIV.

Animi vehementiora pathemata, ut sunt ira vel tristitia, quarum illa humores conturbat ac vitiosos reddit, hæc verò calorem extinguit, vitentur.

XLV.

Nunc pauca etiam de *ἰεργαπεία*, quæ etsi morbis per se, proximèque illorum causis debeatur, ratio tamen sæpè monet, ut symptomati priùs occurramus, si nimirum illud vehementiùs urgeat, aut vires labascant.

XLVI.

Si igitur vehemens adsit Ventriculi morsus, cibi offerendi sunt pingues & oleosi, cujusmodi sunt pultes ex multo melle & oleo copioso, adipe anserino, gallinaceo, suillo. Ex oleribus, malva, beta, anagallis; cerebella item, & pinguiore partes volucrum ac piscium, & omninò ea, quæ appetitum obtundunt, satietatem inducunt, & quæ magna copia sumpta modicè alunt: Vinum item dandum copiosum, odorum, fulvum, cui aliquid hyssopi, origani, artemisiæ aut similium injectum sit, jejunis exhibendum calidum, sic enim ventriculum calefacit, & humorum acorem destruit, ut sæpè suffecerit cum pinguibus & oleosis cibis ad perfectam curationem, ita ut rectissimè ab Hipp. 2. *Aphor.* 21. dictum sit: Famem Vini potio solvit.

XLVII.

Si verò Vomitus vires dejiciat, cohibendus, cucurbitulis majoribus plurima flamma ori ventriculi affixis,

fixis , cataplasmatibus ex oleo absinthite , mastiche, thure, aut mica panis paratis. Conveniunt etiam gargarismi ex modicè repellentibus parati , qualia sunt succus rosarū, diamoron, rob de putaminibus nucum, cum melle, croco & myrrha temperatum, & similia.

XLIX.

Crebrior excrementorum alvi dejectio cohibenda, irrigationibus ex oleo omphacino, rosaceo, melino, myrtino & similibus, quibus utiliter tertia vel quarta pars vini austeri & adstringentis adjicitur, emplastra prædicta in oventri commodè applicantur, præsertim si aliquid rhois vel balaustiorum, acaciæ, boli armeni, mororum immaturorum additum sit.

XLIX.

Intra corpus commodè ea sumuntur, quæ urinam movent ac diuretica dicuntur, ut sunt anisum, petroselinum, foeniculum, asparagi radix, dauci semen & similia, sic enim humores aliò avertuntur, ac retentrix alvi facultas minùs exsolvitur.

L.

Intemperies ventriculi corrigenda cōtrariis, ac præcipuè iis, quæ simul ventriculo robur addere possunt, cujusmodi sunt, absinthium, menta, sisimbrium, mastiche, crocus, galanga, spica nardi, agallochum odoratum, macer, nux moscata, zinziber, caryophylla & similia.

LI.

Humor vitiosus, membranis impactus, calefacientibus, incidentibus, detergentibus præparandus erit, cujusmodi sunt melicrata, è thymi, hyssopi, origani, al-

lii & porri decocto parata, ad quæ plurimùm etiam faciunt diuretica superiùs enumerata, pani, vino, eduliis commixta, alitèrve usurpata.

L I I.

Humor hoc modo præparatus purgandus est ex 3 ij. hieræ picræ & convenienti melicrato. Quòd si ægri amarorem aloës non ferant, hieræ picræ pulvis incorporandus est melle, aut 3 β. electuarii de hiera imperanda est. Similiter etiam pilulæ ex pulvere hieræ & agarico trochiscato ana ʒ ij. parari possunt, aut pulvis ex ovo forbili sumendus est.

L I I I.

Ventriculo sic expurgato ac humore evacuato unicè studendum, ne recidivam patiatur, cujus remedia cùm ex prædictis comparari possunt, hîc repetere noluimus, præsentique disputationi finem imponimus.



C O R O L L A R I A.

I.

An obscæna ista ingesta per appetentiam caninam etiam nutriant? N.

2.

An infantes ob frustrationem rei expetite interdum extinguì queant? Aff.

3. *An*

3.

*An macula infantibus impressa iterum
elui possint? A.*

4.

*An macularum abstersio, quæ statim post
editum partum cum secundinis paratur,
fieri debeat, antequam infans acclametur?*

*Nos istam, ceu superstitiosam, & Chri-
stiane religioni adversantem
opinionem rejici-*

mus.

Τῷ Θεῷ μόνῳ δόξα.



the manuscript is in the
hand of the same person

the manuscript is in the
hand of the same person
the manuscript is in the
hand of the same person
the manuscript is in the
hand of the same person
the manuscript is in the
hand of the same person

the manuscript is in the
hand of the same person

